

說
部

正
六
十

12
7.6
80



412
6
60



說郭目錄

身第六十

靈憲注 張衡

玉曆通政經

徐整長曆 徐整

孫氏瑞應圖

玉符瑞圖 顧野王

地鏡圖

五行記



玄中記 郭氏

發蒙記 東哲

決疑要注 摯虞

在窮記 孔元舒

河東記

鷄林志

湘山錄

九國志 劉晏

九域志 李昉

十道志 李吉甫

十三洲記 黃義仲

太平寰宇記 樂史

風土記 周處

神境記 王韶之

西征記 戴延之

三輔黃圖

三輔舊事 袁郊

西都雜記 韋述

太康地記

燉煌新錄 劉炳

扶南土俗 康泰

武林市肆記

靈憲注

晉 張衡

太素之前幽清玄靜寂寞冥默不可為象厥中惟靈
如是者永久焉斯謂冥莖蓋乃道根既建由无生有
太素始萌萌而未兆并體同色坤屯不分

天有九位自地至天一億一萬六千二百五十里懸
天之晷薄地之儀皆千里而差一寸
水精為上天漢

日正火月正水火則外光水則舍影



陽精之宗積而成烏烏有三趾陽之類數奇

歲星木精熒惑火精鎮星土星太白金精辰星水精也

三公在天爲三台九卿爲北斗三公爲五岳九卿法河海二十七大夫法山陵八十一元士谷阜合爲帝佐以匡綱紀

故三公象五岳九卿法河海三公在天三台九卿法北斗

冬至日成天文夏至日成地理

人統月建寅物生之端謂之人統夏以爲正

玉曆通政經

闕名

陰陽太甚作雨日久不爲星變則爲地震或大風作而爲地震地寒盛則裂風盛則震也

春當退貪殘進柔良恤幼孤賑不足求隱士則萬物應節而生隨氣而長所謂春令也

正月建寅律中太簇雞雉孳尾招搖生聚少陽解凍其氣溫柔逆之則寒

冬至之日見雲送迎從下鄉來歲美民人不疾疫

無雲送迎德薄歲惡故其雲赤者旱黑者水白者爲
兵黃者有土功

三月三日天無雨無日不見雨蠶大善

舍北種榆九株蠶大得

五沃之地其本宜桐

朝有大蜂武士中蜂赤強黑不良

天子孝則景雲游

玉甕者聖人之應也不汲自盈王者飲食有節則出
芝英者王者親延耆養老有道則生

一角獸者六合同歸則至

五音克諧各得其倫則鳳凰翔

三足鳥王者慈孝被于百姓不好殺生則來

赤雀不見則國無賢

白狐至國民利不至下驕恣

徐整長曆

徐整

泉陽之精上合爲日徑千里周圍三千里下於天七千里

月徑千里周圍三千里下於天七千里

大星徑百里中星五十小星三十北斗七星間相去

九千里皆在日月下

黃帝時風不鳴條雨不破塊也

星者元氣之英水之精也

曆北斗當崑崙氣連注天下春夏爲雨露秋冬爲霜
雪

溟滓始牙濛鴻滋萌歲起攝提元氣肇啓有神靈人
十三頭號曰天皇

天地混沌如鷄子盤古生其中萬八千歲天地開闢
陽清爲天陰濁爲地盤古在其中一曰九變神於天
聖於地天日高一丈地日厚一丈盤古日長一丈如
此萬八千歲天數極高地數極深盤古極長後乃有
三皇數起於一立於三成於一盛於七處於九故天

去地九萬里

孫氏瑞應圖

闕名

舜時后稷播植天降秬秠故詩曰天降嘉種惟秬惟秠

景雲者太平之應也一曰非氣非烟五色氤氳謂之慶雲

商雲也有狀外赤內黃

遇旱責躬引咎理察冤枉退去貪殘惻修惠政則降以靈雨

葳蕤者禮備至則生一日王者愛人命則生一名葳
綏也

黃龍者神之精四龍之長也王者不瀉池沼水得達
深淵則應氣而游池沼

鍾律和調則玉羊見

景星者大星也狀如霜月生於晦朔助月爲明王者
不私於人則見

文王時見蒼鳥王孝悌則至一本曰賢君王帝主修
行孝慈被於萬姓不好殺生則來

白鳩成湯時來王者養耆老尊道德不失舊則至一
本成王時來至

王者貴人而賤貨則白馬朱鬣又云車馬有節則見
騰黃者神馬也其色黃一名乘黃亦曰飛黃亦曰咸
吉黃或曰翠黃一名紫黃其狀如狐背上有兩角出
白氏之國乘之壽三千歲

玉馬者清明尊賢則至

真人者黃帝時遊於池王者有茂德不貪貨利則金
人乘船遊於王後也

王者德及于水而王道通移則海不揚鴻波

醴泉者水之精也味甘如醴泉出流所及草木皆歲飲之令人壽也

理訟得所醴泉出於京師有仙人以爵酌之

福草生王者有德則福草生

屈軼者太平之代生於庭前有佞人則草指之

延嘉王者有德則見

王孝道行則延嘉生

紫達者王者仁義行則常見

王者慈仁則芝草生食之令人延年

王者嫡庶有序男女有別則賓連闕生於房一名賓連達一名賓連闕生於房室象御妃有節也

平露者如蓋生於庭似四方之政王者不私人以官則四方之政平若東方政不平則西低北方政不平則南低西方政不平則東低南方政不平則北低四方政不出其根若絲一曰平兩

玉符瑞圖

晉 顧野王

龍出

虞舜時黃龍從洛水出詣舜鱗甲成字舜卽位與三公臨觀黃龍五采負圖出舜前

白泉

泉色白自出山澤得禮制則澤谷之白泉出飲之使

人長壽

蒼鳥見

文王時見蒼鳥王者孝悌則至

火爲朱鳥

赤鳥武王時啣穀至屋上兵不血刃而殷服

鳳凰之佐

鸞鳥者赤神之精鳳凰之佐鷄身赤色色亦被五彩
鳴中五音肅肅雍雍喜則鳴舞人君進退有度親踈
有序則至一本曰心識鍾律律調則至鳴舞以和之
啣珠而舞

晉平公鼓琴有玄鶴二八而下啣明珠舞于庭一鶴

失珠覓得而走師曠掩口而笑

白鵠翔

師曠鼓琴通于神明而白鵠翔

地鏡圖

闕名

齊氣之見爲牛

青土地爲女人黃金之見爲火及爲火及白鼠

財在丘墟者爲木變故木有折枯者其旁有財折所

向在焉其在南方去木八尺其在東方去木六尺

望氣見人家黃氣者支子樹也

錢銅之氣望之如有青雲

山畜材物氣葱盛

行沙出金

斷岡伏鑛小

蘊玉有積輝

銅器之精見爲禺

黃金之氣赤黃千萬斤以上光如大鏡盤

銀氣夜正白流散在地撥之隨手合

草青莖赤秀下有鉛

欲知寶所在地以大鏡夜照見影若光在鏡中者物

在下也

天鼓動王弩發天下驚

五行記

闕名

土中得魚

唐杭州富陽縣韓珣莊鑿井纔深五六尺土中得魚
數千頭土有微潤

截木得魚

唐封令禎任常州刺史於江南沂流將木至洛造廟
匠人截木於中得一鯽魚長數寸如刻安之

蝦蟆

五行言
唐懷州凝真觀東廊柱已五十餘年道士往往聞柱中有蝦蟇聲不知的處後因柱朽壞易之厨人砍以爲薪柱中得一蝦蟆其柱先無孔也

井歎

武后時來俊臣家井中夜有嗟吁怨歎聲

海水

穆宗長慶元年海州海水水南北二百里東望無際水紋如畫

景福中滄州城塹中水有紋如畫有竹木牡丹車馬

人物樓臺殿閣之狀時人以爲地當有兵難近華孽也

舍元路寢

舍元路寢大朝會之所御也

植胡桃

後蜀李雄玉衡十二年扶風人韓豹爲太史令雄卒子期立以豹爲太傅猶領侯職豹嘗言於期曰臣今老志在田園欲植胡桃願賜其種期不悟俄而李壽自涪率衆南向襲尅成都廢期自立

黃衣圍城

陳后主夢黃衣人圍城繞城橘樹盡伐去之及隋兵至上下通服黃衣未幾爲隋攻圍之應

柑中有蛇

唐光宅中李崇真爲益州刺史廳事前有柑樹有柑大如雞子晚熟微小孔如針群官咸異之方欲將進久而方罷因剖之得一赤斑蛇長尺餘崇真後爲兵所殺

米化

晉武帝時裴楷家炊黍在甑或變爲螺其年楷卒石崇家稻米化螺崇亦被誅

玄中記

郭氏

天下之强者東海之沃焦焉水灌而不已沃焦者山名也在東海南方三萬里海水灌之而不消東方有桃都山山上有一大樹名曰桃都枝相去三千里上有天鷄日初出時照此木天鷄卽鳴天下鷄皆隨之

南方有炎山焉行人以正月二月三月行過此山取山下木以爲薪然之無焰取其皮績之爲火浣布

玄中記
君子之國地方千里多木槿花

東方之大者東海魚焉行海者一日逢魚頭七日逢魚尾魚產則百里水爲血

玉門之西有一國國中有山山上有有祠廟國人歲歲出石礎數千輪廟中名曰霹靂礎給霹靂用從春雷出礎日減至秋而盡

東房有柴都焉在齊國有山山有泉水如井狀深不測至春夏時電從井中出常敗五穀人常以柴塞之不柴塞則出也故號爲柴都

吳西具區澤中有包山有洞庭室

松脂淪入地中千歲爲茯苓

萬歲樹精爲青牛

千歲之樹精爲青羊

東南有桃都山上有大樹曰桃都枝相去三千里上有天鷄日初出照此木天鷄卽隨之

木子之大者有積石山之桃實焉大如十斛籠

東方之大者東海魚焉行海者一日逢魚頭七日逢魚尾魚產三日則碧海爲之變紅

天下之大物有北海之蟹焉舉一螯能加于山上身故在水中

秦文公造長安宮而四百里南至終南山山有梓樹大數百圍蔭宮中公惡而伐之連日不剋輒大風雨夜有鬼問梓樹樹曰豈奈吾何鬼曰若使三百人披頭以絲繞樹豈不敗汝樹默然不應明日人言于秦王王依此言伐之中有青牛逐之入澧州

狐五十歲能變化爲婦人百歲爲美女爲神巫或爲丈夫與女人交接能知千里外事善蠱魅使人迷惑

失智千歲卽與天通爲天狐

發蒙記

晉 束皙

甘棗令人不惑萱草可以忘憂

西域有火鼠之布東海有不灰之木

庶頗畢老日噉肉百斤

蠅生積灰蜂出蜘蛛腐木爲螢蟻螬出朽芻

獅子五色而食虎于巨木之岫一噬則百人仆唯畏

鈎戟

王精名委似美女而青衣見以桃戟刺之以其名呼

之可得也

虎以狗爲酒雞以蜈蚣爲酒鳩以桑椹爲酒猫以薄荷爲酒蛇以茱萸爲酒謂食之卽醉也

東方朔乃太白星精

水行峽路最險以灩澦爲則

萬歲蟾蜍頭上有角領下有丹書重八字

琴以七寶飾之名璠璣之樂

子路感雷精而生尚剛好勇

秦始皇決事縣石之一縣稱也石百二十斤

漢武所生之殿曰猗蘭

蒙恬之爲筆也柘木爲管鹿毛爲柱羊毛爲被

決疑要注

晉 摯虞

辛繕嘗隱居華陰光武徵不仕至有大鳥高五尺五
色備舉而多青栖繕槐樹旬時不去弘農太守以聞
詔問百僚咸以爲鳳太史令蔡衡對曰凡象鳳者有
五多赤色者鳳多青色者鸞多黃色者雛多紫色者
鷓多白色者鵠此鳥多青乃鸞非鳳也上善其言
秦除袞冕之制唯爲玄衣絳裳一具而已漢興亦如
之中興後明帝永平中使諸儒案古衣圖書始復造

袞冕之服至今用之

几筵在殿堂之上唯天子居牀其餘皆鋪席前設筵
几天子之殿東西九筵南北七筵故曰度堂以筵度
室以几也

漢武鑿昆明池極深悉是灰墨無復土舉朝不解以
問東方朔朔曰臣愚不足以知之可試問西域胡帝
以朔不知難以移問至後漢明帝時外國道人入來
洛陽時有憶方朔言者乃試以武帝時灰墨問之胡
人云經云天地大劫將盡則劫燒此劫燒之餘乃知

朔言有旨

尚書臺召人用虎爪書告下用偃波書皆不可卒學
以防矯詐

讌之與會威儀不同也會則隨五時朝服庭設金石
懸虎賁着旄頭又衣鷩尾以列陛讌則服常服設絲
竹之樂唯宿衛者列伏大會于太極殿小會于東西
堂

在窮記

孔元舒

趙大龍以鵝二十枚奉上老母

袁彖贈庾冀蟀硯

陳後主常令八婦人磅綵牋製五言詩

虞翻笑鄭玄不識古文

王粲好驢鳴

魏受禪碑王朗文梁皓書鍾繇鐫謂之三絕
廣南以竹爲硯

右軍三十三書蘭亭三十七書黃庭

顏真卿小鬟曰剪綵僮曰銀鹿

謝太傅墓碑但樹貞石初無文字

劉殷有七子五子各授一經一授太史一授漢書一
門之內七業俱興

倉鷓爲饕可以療妬

陸澄讀易三年不解意義王儉戲云書厨

老子入西戎造檮蒲五木

劉孝綽善草隸自以書似父乃變爲別體

鄒氏羲之妻也甚工書

陶弘景借人書隨誤治定

南朝呼筆四管爲一床

柳下季死妻自誅門人不能損一字

河東記

闕名

崔元暉

博陵崔元暉曾孫照太和八年九月中因熱疾死冥王追去至判官廳有一大樓入門悉是金榜銀榜備列人間富貴人姓名將相姓名列金榜將相以下悉列銀榜更有長鐵榜列州縣府屬姓名

銅鐘書

義熙十一年霍山崩毀出銅鐘六枚上有文科斗書

人莫能識

劉勳女

河內太守劉勳女苦左膝裏瘡痒迎陀使視陀以繩繫一犬於馬後走馬牽犬犬困不能行因取斷腸以向瘡口須臾有若虵者從瘡中出長三尺

葉淨能

汝南王領葉淨能葉曰有一生徒能飯當令來謁翌日有通謁者曰道士常持滿見之侏儒也談胚渾一道飲以酒五斗乃醉倒是一瓮爾

馬舉

馬舉鎮淮南有一叟謁之稱南山木強人能論兵法驗之乃一棋局耳

鷄林志

闕名

佛龕

龜山有佛龕林木益遠傳云羅漢三藏行化至此滌齒楊枝插地成水淨水所着今為清泉國人以佛法始興之地最所崇奉

僧寺

高麗僧住寺修行者或犯戒律配黑白二山輕亦斥遣籍其子孫仍髡受差役

僧不娶

僧娶婦者不得居寺

織席

高麗人多織席有龍鬚席藤席今舶人販至者皆席草織之狹而密繫上亦有一小團花

漆

高麗黃漆生島上六月刺取瀋色若金日暴則乾本出百濟今浙人號新羅漆

收息

高麗王於國中出債收息有陳道人曾入其國爲商云今以官奴求息禪之日磨納之孫貌好者倍其收若得子則亦爲奴婢

染采

高麗善染采紅紫尤妙紫草大梗如牡丹檮汁染帛甚鮮

僧衲

高麗僧衣磨納者爲禪法師衲甚精好

湘山錄

闕名

楊叔寶郎中與眉州人言頃眉州視事後三日作大
排樂人獻口號其末句云爲報士民須慶賀火星去
了福星來喜召優人間曰大排致語誰做對日本州
自來舊例只用此一首

丁晉公稱化鶴之裔爲印記時謂鶴相

真廟時日本國入貢求本國神光寺記舍人辭不工
令學士張君房代之張退食多潛飲市樓掖垣求之

不獲大窘時種放以司諫歸華山楊大年爲閒忙令
云世上何人最好閑司諫拂衣歸華山世上何人最
好忙紫微失却張君房

園葵即胡葵世傳有布種時口誦褻則滋茂故士大
夫以穢談爲撒園葵

劉伯芻巷口有鬻餅者每當鑪嘔歌一旦鎔憐其貧
貸以萬錢自是不聞歌聲問之曰本流旣大心計轉
麤由是不暇涓城之曲矣

咸通末執政病舉人車馬太盛奏請進士並乘驢鄭

光業驅幹偉大或嘲之曰今年勅下盡騎驢短轡長
鞦滿九衢清瘦兒郎猶自可就中愁殺鄭昌圖

爾
關岳有妹能文每語人曰吾家有一進士所恨不櫛

九國志

劉旻

雷神移床

吳柴再用爲光州一日大震雷家人皆伏匿再用當
戶危坐不動俄見有襦袴四人昇再用坐敗床出庭
中復大震屋折有龍出

洲生忽沒

高繼冲時李景威云舊傳江陵諸處九十九洲滿百
則王者興自武信王之初江心深浪中忽生一洲昨

此洲忽漂沒若可憂也繼冲遂以納款

百家灣

徐溫嘗自迎鑾還至百家灣暴風起舟人相顧失色
溫乃袒裊以帛繫環首顧謂妾御曰吾善游儻溺不
暇相救幸保此子言訖風浪漸息

叱火

吳盧文進遷潤州節度城中火救之不息文進怒自
出州門使召馬步使將斬之聲至火即滅

除夜鼓

吳越錢鏐嘗歲除夜宴命諸子及諸孫鼓胡琴一再
行遽止之曰人將以我爲長夜之飲也

有元和風

南唐韓熙載爲和州司馬久之召爲中書舍人乃始
親制誥典雅有元和之風

九域志

李昉

梁孝王自汴州築蓼隄至洛陽三百里

穀城神農嘗五穀於此名穀城

枌榆社漢高祖鄉社名

飛山越王時自海飛來

召伯甘棠樹在陝州府置西南隅

龍泉在延州牧龍川多產駿馬

華山神祠能興雲致雨

直市在耀州物無二價故以直市爲名

唐李德裕築琉璃城於漢源

小隴山一名隴抵其阪九迴上者七日乃至南充碧
碧落觀神龍中見黃雲赤霧蔚然翳前後三日但聞
斤斧之聲暨霧散雲斂有化宮出

木母冢乃丁蘭母也

鼓角山在蘄州每天欲雨卽先鼓角鳴

錢塘在餘杭初爲潮水所損州人華信自以私錢作
塘捍海因名錢塘

奔牛堰在常州故老相傳古有金牛奔此故以名之
鍾山晉永嘉元年因水有大鍾從上墜水中驗銘是
秦時樂器因以命名

王女墩在宜春每天將雨卽有五色雲氣湧出石間
居人謂之玉女披衣

五孝子城昔五孝子共居此城城在大明府

十道志

李吉甫

陝州陝郡禹貢豫州之域周為二伯分陝之地即古
 虢國地戰國時屬韓秦併天下屬三川郡漢元鼎中
 置弘農郡
 汝州臨汝郡禹貢豫州之域春秋時為周王畿及鄭
 楚之地

鄭州滎陽郡禹貢豫州之境秦兼天下為山川郡
 宋州睢陽郡理宋城縣虞舜十二州為豫州之境周

爲青州之域武王封微子之邑後爲齊楚魏所滅三分其地魏得其梁陳晉齊得濟陰東平楚得沛梁卽今州也

亳州譙郡置在譙縣禹貢豫州之域春秋時陳國之譙邑六國時屬楚秦爲碭郡地漢爲譙縣屬沛郡

許州許昌郡禹貢豫州之域周爲許國

陳州淮陽郡置在宛丘縣

檀州密雲郡禹貢冀州之域春秋戰國時並爲燕地秦爲漁陽郡在漢領白檀等十二縣

媯州媯州郡禹貢冀州之域舜暨周爲幽州之域春秋戰國並屬燕國秦併天下爲上谷郡

阪泉在懷戎縣

平州北平郡禹貢冀州之域舜十二州爲營州之境周爲幽州之地春秋時爲山戎孤竹白狄肥子二國地秦兼天下爲遼西郡肥如縣地

營州柳城郡禹貢冀州之域其在十二州爲營州地周爲幽州春秋爲山戎之地戰國時屬燕秦漢爲遼西郡

渤海風俗驚戾多氣力輕姦兇

浮陽水所出東入海

鼓城縣春秋鼓子之邑漢下曲陽之地

瀛州河間郡禹貢冀州之域舜十二州并爲之境春秋時屬燕國秦併天下爲河間郡漢爲河間國

博野縣本漢蠡吾縣地

莫州大安郡其地歷代所屬與瀛州同唐景雲二年分瀛州置

易州上谷郡禹貢冀州之域虞分冀州則爲并州之

地春秋時燕趙之分秦併天下爲上谷郡地漢置涿郡今州卽涿郡之故安地也

易縣本漢故安縣也

涿水縣本漢道縣也

遂城戰國時遂縣漢之北新城

幽州范陽郡禹貢冀州之域虞舜十二州爲幽州夏殷省併冀州復置幽州秦爲漁陽上谷等五郡漢高祖分上谷置涿郡武帝十三州爲幽州

十三州記

黃義仲

郡名

郡之言君也改公侯之封而言君者至尊也郡守專
權君臣之禮彌崇今郡字君在其左邑在其右君為
元首邑以載民故取名於君謂之郡

縣名

縣絃也絃以貞直言下體之居隣民之位不輕其誓
施綿用法不曲如絃絃聲近縣故以取名今縣字在

半也

子男

縣萬戶以上為令則子國也千戶為長男國也今人呼縣為百里子男本方百里也故言今之百里古之諸侯

金牛

昔蜀王從卒數千餘出獵於褒谷而溪秦惠王亦畋于山中怪而問之以金一筐遺蜀王及報欺之以土秦王大怒其臣曰此秦得之端秦王未知蜀道乃刻

石牛五頭置金於尾下偽如養之者言此天牛能屎金蜀人見而信之乃令五丁共引牛成道致之成都秦始知蜀道使張儀伐之蜀王開戰不勝而忘

治田

上虞縣有鴈為民田春拔野草根秋啄除其穢是以縣官禁民不得妄害此鳥犯則有刑無赦

神珠

僧疆疊國在天竺南佛寺三十餘所其地有神珠非玉石晝夜於國中光明於日珠徑一尺五寸其色正

碧

寰宇記

樂史

前溪

前溪烏程縣南東流入太湖謂之風渚夾溪悉生箭
 箬後溪在市北餘不亭晉車騎將軍沈克家於前溪
 樂府有前溪曲則克之所製其詞云當曙與未曙百
 鳥啼忿忿後宋少帝續爲七曲其一曲曰憂思出門
 戶逢郎前溪度莫作流水心引新都捨故

任公溪

歙縣有昉村俗說任昉爲新安太守因行春至此愛其雲溪緣源尋幽累日不返百姓因名其溪爲昉溪溪旁村爲昉村村旁有山近故北野縣每山上石墜則不利縣官縣廢後其事亦止大中十年刺史盧藩改曰任公村任公溪

玉女沙

緱氏有八風溪溪水南流合三交水岸有沙細潤可以澡濯隋代常進後宮雜以香藥以當豆屑號曰玉女沙

貪泉

隱之罷郡見妻篋中有沉香一斤遂投石門內水中後人謂之沉香浦亦曰投香浦

聰明泉

潯陽縣落星山澗有五松橋昔惠遠法師與殷仲堪席澗談易于此而樹下泉湧號聰明泉

湯泉

張勃吳錄曰丹陽江乘縣有湯山湯出其下大小凡六處湯澗繞其東西冬夏常熱禽魚之類入者輒爛

以煮豆穀終日不熟草木濯之輒更鮮茂舊有湯泉
館今廢

聖泉

蜀武陽有聖泉其水碧色患瘡疾者洗之多愈投銀
卽成金色孕婦飲之墮胎俗以爲聖泉

神泉

燉煌有懸泉一名神泉出龍勒山腹梁州異物志云
漢貳師將軍李廣利伐大宛還士衆渴乏廣利乃引
佩刀刺山飛泉湧出三軍賴以獲濟今有祠甚嚴郡

侯歲謁

井

賈耽自記云滑城控白馬之津邇斥鹵之溢里居者
井無良焉相土宜視水脉因便道求美泉得之於城
濠之右闔成八隅合爲一瓮

司命井

廣州記曰鬱林郡有石井半甘半淡潛通江波冬夏
夏常盈名曰司命井周給闔境也其井水竭卽土人
疫稼穡不登以爲候

鴻池

浚儀有鴻池魏獻公射鴻於此

天生池

宕渠披衣山上有雲山寺寺中有池去果州嘉陵江三十里江水或淺其池亦淺或漲其池亦漲號曰天生池

杜鵑

蜀之先肇於人皇之際黃帝子昌意娶蜀人女生帝嚳後封其支庶於蜀始稱王者自名蚕叢蜀之後主

名杜宇號望帝有荆人鰲靈死其屍浮水上至汶山下又復生望帝見之用爲相以已之德不如鰲靈讓位鰲靈立號開明望帝自逃之後欲復位不得死化爲鵲每春月間晝夜悲鳴蜀人聞之曰我帝魂也名杜鵑又名杜宇又號子規

風土記

晉 周處

越俗飲宴卽鼓盤以爲樂取太素圓盤廣尺六者抱以着腹以左手五指更彈之以爲節舞者應節而舞陽羨縣東有太湖中有包山山下有洞穴潛行地中云無所不通謂之洞庭地脉魏時人或問董勛云七月七日爲良日飲食不同於古何也勛云七月黍熟七日爲陽數故以糜爲珍今此日唯設湯餅無復有麋矣

風土記
九月九日律中無射而數九俗尚此日折茱萸房以
插頭言辟除惡氣而禦初寒

蜀之風俗晚歲相與餽問謂之餽歲酒食相邀爲別
歲至除夕達旦不眠謂之守歲

七月七日其夜灑掃於庭露施几筵設酒脯時果散
香粉於河鼓織女言此二星神當會守夜者咸懷私
願或云見天漢中有奕奕正白氣有耀五色以此爲
徵應見者便拜而願乞富乞壽無子乞子唯得乞一
不得兼求三年乃得言之頗有受其祚者

宅亦曰第言有甲乙之次第也一日出不由里門面
大道者名曰第

陽羨縣前有大橋南北七十二丈橋中高起有似虹
形

潘城西北三里有歷山形似覆釜因以爲名

盧縣西三十九里有藍山

稊稻之青穠米皆青白也

石髮水苔也青綠色皆生於石也

南居細李四月先熟

甘橘之屬滋味甜美特異者也有黃者有赭者謂之
壺甘

犬則青鸛白雀飛龍虎子馴良捷警難狎易使也

白鶴性誓至八月白露降流于草葉上滴滴有聲卽
鳴

六月有大雨名濯枝雨

月正元日五熏鍊形注曰五辛所以發五藏氣

越俗性率朴初與人交有禮封土壇祭以犬雞祝曰
卿雖乘車我戴笠後日相逢下車揖我步犴君乘馬

他日相逢卿當下

每歲七月二十五日種類四集於廟扶老携幼環宿
其旁凡五日祠以牛彘酒鮓椎歌歡飲卽還惟不用
犬云

神境記

晉 王韶之

蘭巖雙鶴

榮陽郡西有蘭巖山常有雙鶴素羽皦然日夕偶形
翔集傳云昔夫婦俱隱此山年數百歲化成此鶴忽
一旦一鶴爲人所害其一鶴歲常哀鳴至今嚮動巖
谷莫知年歲

黃蓮

九疑山過半路皆行竹松下夾路有青澗澗中有黃

色蓮華芳氣盈谷

靈源

滎陽郡西有靈源山其澗生靈芝石菌巖有紫菊

武陵池

武陵一孤山嶺有池魚鱉無不備有其七月七日乃
出游嶺顛族類各別

印渚

印渚山上承浮溪水從渚以上至縣悉石瀨惡道不
可行船以下水道無險故行旅集焉晉王胡之爲吳

興太守至渚中歎曰非唯使人心情開滌亦覺日月
清朗傳云渚次石文似印因以爲名

西征記

戴延之

石床

焦氏山北數山有漢司隸校尉魯恭冢前有石祠石廟四壁皆青石隱起自書契以來忠臣孝子貞婦孔子及弟子七十二人形像邊皆刻石記之文字分明又有石床長八尺磨瑩鮮明叩之聲聞遠近時太尉從事中郎傅珍之諮議叅軍周安稷折敗石床各取去爲魯氏之後所訟二人並免官

厄井

板渚津津南原上有厄井父老云漢祖與楚戰敗走
逃走逃此井追軍至見兩鳩從井中出故得免厄因
名厄井

陽渠

洛陽城外四面有陽渠水周公所制也

七山

河東塩池東吳坂登七山原每登一原輒峭起五太
里原土平廣不知巨極

南嶽

峒嶺山自湘川至長沙七百九里向九背然後不見
禹治水登而祭之因夢玄夷使者遂獲金簡玉字之
書得治水之要

三輔黃圖

漢 撰人闕

兔園

孝王好營宮室苑囿之樂作曜華宮築兔園園中築有百靈山有膚寸石落猿巖栖龍岫又有鴈池池間有鶴洲鳧渚其諸宮觀相連延亘數十里奇果異樹珍禽怪獸畢有王日與官人賓客弋釣其中

斗城

長安故城漢之舊都高帝七年方修長安宮城自櫟

陽徙居此城本秦離宮也初置長安城木狹小至惠
帝更築之周廻六十五里城南爲南斗形北爲北斗
形至今人呼漢舊京爲斗城

阿房

阿房以木蘭爲梁以磁石爲門懷刃者止之

未央

營未央宮因龍首山以制前殿至孝武以木蘭爲椽
椽文杏爲梁柱金鋪玉戶華櫬壁璫雕楹玉碣重軒
鏤檻青瑣丹墀左碱右平黃金爲壁帶間以和氏珍

玉風至其聲玲瓏然也

長信

后宮在西秋之象也秋主信故宮殿皆以長信長秋
爲名又永壽永寧殿皆后所處也

駘蕩

駘蕩宮春時景物駘蕩滿宮中也

集靈宮

集靈宮集仙宮存仙殿存神殿望仙臺望仙觀俱在
華陰縣界皆武帝宮觀名也

步高

京兆有步高宮

宣室

宣室未央前殿正室也淮南子曰周武王殺紂於宣室漢取舊名也漢書曰文帝受釐宣室夜半前席賈生問鬼神之事即此也

温室

温室殿武帝建冬處之温暖也

唐中

武帝太初元年栢梁殿災於是作建章宮前殿下視未央其西則唐中殿受萬人又有疏圃鳴鑿奇筆銅柱函德二十六殿

八區

武帝時後宮八區有昭陽飛翔增成合歡蘭牀含香鳳凰鴛鴦等殿後有增修安處常寧蒞若椒風發越蕙草等殿為十四位

靈波

甘泉宮南有昆明池池中有靈波殿皆以桂為殿柱

風來自香

昭陽

成帝趙皇后居昭陽殿

首山

漢武元封元年封禪後夢高祖坐明堂朝群臣於是
祀高祖于明堂以配天還作首山宮以為高靈館

石渠

石渠閣蕭何造其下礮石為渠以導水若今御溝因
為閣名所藏入關所得秦之圖籍至於成帝又於此

藏秘書焉

天祿

天祿閣藏典籍之所

白虎

未央宮有白虎閣屬車閣

三輔舊事

表郊

鳳凰闕

建章宮東起別風闕高二十五丈乘高以望遠又於
宮門北起圓闕高二十五丈上有銅鳳凰赤眉賊壞
之西京賦云圓闕聳以造天若雙碣之相望是也

高靈館

上自封禪後夢高祖坐明堂群臣亦夢想於是祀高
祖於明堂以配天還作高靈館

三輔舊事
復道

桂宮周回十里內有複道橫渡西至神明臺

藁街

甘延壽陳湯上疏云斬郅支首及名王以下宜縣頭
藁街蠻夷邸間

九達

長安城面三門四面十二門皆通達九達以相經緯
衢路平正可並列車軌十二門三塗洞闕隱以金椎
周以林木左右出入爲往來之徑行者升降有上下

之別

橫橋

秦造橫橋漢承秦制廣六丈三百八十步置都水令
以掌之號爲石柱橋

西都雜記

韋述

金吾禁夜

西都京城街衢有金吾曉暝傳呼以禁夜行惟正月十五日夜勅許金吾弛禁前後各一日

青梧

五柞宮有青梧觀觀前三梧桐樹樹下有石麒麟二枚刊其脇爲文字是秦始皇酈山墓土物也頭高一丈三尺東邊者前左腳折折處有赤如血父老謂

其有神皆含血屬筋焉

三館

平津侯自以布衣爲宰相乃開東閣營客館以招天下之士其一曰欽賢館以待大賢次日曰翹材館以待大才次日接士館以待國士其有德任毘贊佐理陰陽者處欽賢之館其有才堪九烈將軍二千石者居翹材之館其有一介之善一方之藝居接士之館而躬自菲薄所得俸祿以奉待之

望春亭

南北望春亭在禁苑東南高原之上

飲馬

丞相夏侯嬰墓在飲馬橋東大道南人謂之馬冢

太康地記

闕名

并州不以衛水爲號又不以恒山爲名而云并者蓋以其在兩谷之間乎韓魏趙謂之三晉并冀二州是其地也

曲阿本名雲陽秦始皇以有王氣鑿北阮山以敗其勢截其直道使其阿曲故曰曲阿也吳還爲雲陽今復名曲阿

梁孝王築睢陽城方十三里鼓倡節杵而後下和之

者稱睢陽曲今踵以爲故今之樂家睢陽曲是其遺音

吳有太初宮方三百丈權所起也昭明宮方五百丈皓所作也

武昌南湖通江夏有水冬則涸于時靡所產植陶太尉立塘以遏水於此常自不竭因取瑯琊郡隔湖魚菱以着湖內菱甚甘美異於他故所產鮒魚乃長三尺

龍目湖秦王東游觀地勢云此有天子氣使赭衣徒

鑿湖中長流使斷因改名爲丹徒今水北注江也

燉煌新錄

宋 劉炳

索充宋桶

索充夢一虜脫上衣來詣充索統占曰虜去上半下
 男字也夷虜陰類君妻當生男也巳後果驗
 又宋桶夢內中有一人著衣桶一手把兩杖極打之
 索統占曰內中有人是肉子也兩杖著之象極打肉
 食也過三日過三家皆得肉食矣

出血

玉琴卒后墓門前有石人獅子子賢寒微賣與
致車破牛死汜氏就打破皆血出

天仙

虜蘇割刺在答魯之右大澤中高百尋然無草木石
皆赭色山產椒椒大如彈丸燃之香徹數十里每然
椒則有鳥自雲際蹁躚五色名赭爾鳥蓋鳳凰種也
時漢武帝遣將軍趙破奴逐匈奴得其椒不能解
問東方朔朔曰此天仙椒也塞外千里有之能致鳳
武帝植之太液池至元帝時椒生果有異鳥翔集

高昌壁

高昌壁故屬燉煌下繞蒲海肥美良白水草沃衍

宋質

宋質直破虜有威名兒啼恐之卽止虜相恚曰使汝
行逢宋都督

李嵩

晉安帝隆安元年涼州牧李嵩微服出城逢虎道邊
虎化爲人遙呼嵩爲西涼君嵩因彎弧待之又乃遙
呼嵩曰有事告汝無疑也嵩知其異投弓於地人乃

前日燉煌空虛不是福地君之子孫王於西涼不如
從酒泉言訖乃失暘乃移都酒泉

張存

張存善針存有奴好逃亡存宿行針縮奴脚欲使則
針解之

索丞宗

索丞宗伯夷成善鼓箏悲歌能使喜者墮淚改調易
謳能使戚者起舞時人號曰雍門周

汜固

汜固字孔完大將軍掾純之孫也推家財百萬與寡
弟婦二百萬與孤兄子於是三府競辟皆不就

扶南土俗

康泰

蒲羅中國

扶南土俗日利止東行極崎頭海邊有居人人皆有
尾五六寸名蒲羅中國其俗食人

優鋌國

優鋌國在天竺之東南可五千里國土熾盛城郭瓌
坑謠俗與國同

橫跌國

橫跌國在優鉞之東南城郭饒樂不及優鉞也

比攬國

諸薄之東南有比攬洲出錫轉賣與外徼

馬五洲

諸薄之東有五洲出鷄舌香樹木多華少實

薄歎洲

諸薄之西北有薄歎洲土地出金常以採金爲業轉賣與諸賈人易糧米雜物

耽蘭洲

諸薄之西北有耽蘭之洲出鐵

巨延洲

諸轉薄之東北有巨延洲人民無田種芋浮船海中截大蚌螺盃往扶南

濱邠專國

濱邠專國出驥馬及金俗民皆有衣被結髮也

烏文國

烏文國昔混滇初載賈人大泊所成比國

斯調國

扶南土俗

斯調洲灣中有自然監累如細石子國人取之一車輸王餘自入

林陽國

扶南之西南有林陽國去扶南七千里土地奉佛有數千沙門持戒六齋日魚肉不得入國一日再市朝市諸雜米甘菓石蜜暮中但香花

南宋市肆紀

泗水潛夫輯

諸市

藥市

炭橋

花市

官巷口

珠子市

融和坊南官巷

米市

北關門外黑橋頭

肉市

大瓦脩義坊

菜市

新門外東青門霸子頭

鮮魚行

候潮內外

魚行

北關門外水水橋

南猪行

候潮門外

北猪行

打猪巷

布行

便門外橫河頭

蟹行

新門外南土門

花團

官巷口錢塘門內

青菓團

候潮門內泥路

棋子團

後市街

鯨團

便門外渾水關

書房

橋園亭

瓦子勾欄

南瓦

清冷橋熙春樓

中瓦

三元樓

大瓦

三橋街亦名上瓦

北瓦

衆安橋亦名下瓦

蒲橋瓦

亦名東瓦

便門瓦

便門外

候潮門瓦

候潮門外

小偃門瓦

小偃門外

新門瓦

亦名四通館瓦

薦橋門瓦

薦橋門外

菜市門瓦

菜市門外

錢湖門瓦

省馬院前

赤山瓦

後軍寨前

行春橋瓦

北郭門瓦

又名大通店

米市橋瓦

舊瓦

石板頭

嘉會門瓦

嘉會門外

井關門瓦

又名新瓦

艮山門瓦

艮山門外

羊坊橋瓦

王家橋瓦

龍山瓦

城內隸脩內司城外隸殿前司

如北瓦羊棚樓等謂之邀棚外又有勾欄甚多北瓦內勾欄十三坐最盛或有路岐不入勾欄只在要闊寬濶之處做塲謂之打野呵此又藝之次者

酒樓

和樂樓

昇賜宮南庫

和豐樓

武林園上庫

中和樓

銀甕子中庫

春風樓

北庫

太和樓

東庫

西樓

金文庫

太平樓

豐樂樓

南外庫

北外庫

西溪樓

已上並官庫屬戶部點檢所每庫設官妓數十人

各有金銀酒器千兩以供飲客之用每庫有祇直者數人名曰下番飲客登樓則以名牌點喚侑樽謂之點花牌元夕諸妓併番互移他庫夜賣各戴杏花冠兒危坐花架然名娼皆深藏邃閣未易招呼肴核杯盤亦各隨意携至庫中初無庖人官中趨課初不藉此聊以粉飾太平耳往往皆學舍士夫所據外人未易登也

熙春樓

三元樓

五間樓

賞心樓

嚴厨

花月樓

銀馬杓

康沈店

翁厨

任厨

陳厨

周厨

巧張

日新樓

沈厨

鄭厨

只賣好食鮮海
鮮頭羹皆有之

蛇蛛眼

只賣
好酒

張花

已上皆市樓之表表者每樓各分小閣十餘酒器悉用銀以競華侈每處各有私名妓數十輩皆時粧祛服巧笑爭妍夏月茉莉盈頭香滿綺陌凭檻招邀謂之賣客又有小鬟不呼自至歌吟強聒以

求支分謂之擦坐又有吹簫彈院息氣鑼板歌唱
散耍等人謂之趕趁及有老嫗以小爐炷香爲供
者謂之香婆有以法製青皮杏仁半夏縮砂荳蔻
卜蠟茶香藥韻薑礪香橄欖薄荷至酒閣分俵得
錢謂之撒嚙又有賣玉面狸鹿肉糟决明糟蟹酒
蛤蜊柔魚鰕茸鱈乾者謂之家風又有賣酒浸江
蟠章舉蠟肉龜脚鎖管蜜丁脆螺鱈醬法鰕子魚
鯧魚諸海味者謂之醒酒口味凡下酒羹湯任意
索喚雖十客各欲一味亦自不妨過賣鋪頭記憶

數十百品不勞再四傳喝如流便卽製造供應不
許少有違悞酒未至則先設看菜數牒及舉杯則
又換細菜如此屢易愈出愈奇極意奉承或少忤
客意及食次少遲則主人隨逐去之歌管歡笑之
聲每夕達旦往往與朝天車馬相接雖暑雨風雪
不少減也

歌館

平康諸坊如上下抱劍營漆器墻沙皮巷清河坊
融和坊新街太平坊巾子巷獅子巷後市街薦橋

皆羣花所聚之地外此諸處茶肆

清樂茶坊

八仙茶坊

珠子茶坊

潘家茶坊

連三茶坊

連二茶坊

及金波橋等兩河以至瓦市各有等差莫不靚粧
迎門爭妍賣笑朝歌暮絃搖蕩心目凡初登門則
有提瓶獻茗者雖茶亦犒數千謂之點花茶登
樓甫飲一杯則先與數貫謂之支酒然後呼喚提
賣隨意置宴趕趁祇應撲賣者亦皆紛至沓費頗
多或欲更招他妓則雖對街亦呼肩輿而至謂之

過街轎前輩如賽觀音孟家蟬吳隣兒等甚多皆
以色藝冠一時家甚華侈近世目擊者惟唐安安
最號富盛凡酒器沙鑼水盆火箱粧合之類悉以
金銀爲之帳幔茵褥多用錦綺器玩珍奇他物稱
是下此雖力不逮者亦競鮮華蓋自酒器首飾被
臥衣服之屬各有貨者故凡佳客之至則供具爲
之一新非曾遊者不察也

貨物

花檐

酒檐

首飾

衣服

被臥

轎子

布囊

酒器

幃設

動用

盤合

喪具

凡吉凶之事自有所謂茶酒厨子專任飲食請客
宴席之事凡合用之物一切賃至不勞餘力雖廣
席盛設亦可咄嗟辦也

作坊

熟藥圓散

生藥片飲

麩麩

糰子

饅頭

糖炕鴛鴨

糖炕猪羊

唐密棗兒

諸般糖

金橘團

灌肺

餛飩子

糞豆

印馬

蚊烟

都民驕惰凡賣買之物多於作坊行販已成之物
轉求什一之利或有貧而鳳者凡貨物盤架之類
一切取辦於作坊至晚始以所直償之雖無分文
之儲亦可糊口此亦風俗之美也

驕民

都民素驕非惟風俗所致蓋生長輦下勢使之然
若住屋則動蠲公私房賃或終歲不償一銀諸務

稅息亦多蠲放有連年不收一孔者皆朝廷自行
抱認諸項窠名恩賞有黃榜錢雪降則有雪寒錢
久雨久晴則又有賑恤錢米大家富室則又隨時
有所資給大官拜命則有所謂捨節錢病者則有
施藥局童幼不能自育者則有慈幼局貧而無依
者則有養濟院死而無殮者則有漏澤園民生何
其幸歟

游手

美人局

以娼優為姬妾
誘引少年為事

櫃坊賭局

以博戲關撲結
黨手法騙財

水功德局

以求官覓舉恩澤遷轉訟事交
易等為名假借聲勢脫漏財物

浩穰之區人物盛夥游手奸黠實繁有徒有所謂
美人局之類不一而足又有買賣物貨以偽易真
至以紙為衣銅鉛為金銀土木為香藥變換如神
謂之白日賊若闖闖之地則有剪脫衣囊環珮者
謂之覓貼兒其他穿窬胥篋各有稱首以至頑徒
如攔街虎九條龍之徒尤為市井之害故尹京政
先彈壓必得精悍鈞鉅長於才術者乃可都轄一

市肆紀
房有都轄使臣總轄供申院長以至廂巡地分頭
項火下凡數千人專以緝捕為職其間雄馭有聲
者往往皆出羣盜而內司又有海巡八廂以察之

市食

鵪鶉餅餠兒 肝臟餛飩子 香藥灌肺

灌腸 猪胰胡餅 羊脂韭餅

窩絲薑豉 剗子 科斗細粉

玲瓏雙條 七色燒餅 雜爍

金錠裹蒸 市羅餛飩兒 寬焦薄脆

糕糜 旋炙犯兒 八糙鵝鴨

炙鷄鴨 燠肝 罐裏燠

燠鰻鱧 燠團魚 煎白腸

水晶膾 煎鴨子 臟驢兒

焦蒸餅 海蜃鮓 薑蝦米

辣虀粉 糖葉子 豆糰

麻糰 螺頭 膘皮

辣菜餅 炒螃蟹 肉蔥虀

羊血 鹿肉犯子

果子

皂兒膏

宜利少

瓜蔓煎

鮑螺

裹蜜

糖絲

澤州湯

蜜麻酥

炒團

澄沙團子

十般糖

甘露餅

玉屑膏

燻木瓜

糖脆梅

破核兒

查條

橘紅膏

荔枝膏

蜜薑豉

韻薑糖

花花糖

二色灌藕

糖豌豆

牙豆

栗黃

烏李

酪麪

蓼花

蜜彈彈

望口消

桃穰酥

重劑

蜜棗兒

天花餅

烏梅糖

玉柱糖

乳糖獅子

薄荷蜜

琥珀蜜

餠角兒

諸色糖蜜煎

菜蔬

薑油多

薤花茄兒

辣瓜兒

倭菜

藕鮮

冬瓜鮮

笋鮓

茭白鮓

皮醬

糟瓊枝

蓴菜笋

糟黃芽

糟瓜藟

淡鹽藟

鮓菜

醋薑

脂麻辣菜

拌生菜

諸般糟淹

鹽芥

粥

七寶素粥

五味粥

粟米粥

糖豆粥

糖粥

糕粥

餛子粥

菜豆粥

肉盒飯

犯鮓

算條

界方條

線條

魚肉影戲

胡羊犯

削脯

槌脯

鬆脯

兔犯

麇犯鹿脯

糟猪頭

乾鹹豉

皂角鋌

臘肉

炙骨頭

旋灸荷包

荔枝皮

鵝鮓

荷包旋鮓

三和鮓

切鮓

骨鮓

桃花鮓

雪團鮓

玉板鮓

鱒鯉鮓

春子鮓

黃雀鮓

銀魚鮓

蟻鮓

凉水

甘豆湯

椰子酒

豆兒水

鹿梨漿

滷海水

薑蜜水

木瓜汁

茶水

沉香水

荔枝膏水

苦水

金橘團

雪泡縮脾飲

紫蘇酒

五苓大順散

香薷飲

紫蘇

糕

糖糕

蜜糕

栗糕

粟糕

麥糕

豆糕

花糕

糍糕

雪糕

小饅糕

蒸糖

生糖糕

蜂糖糕

線糕

間炊糕

乾糕

乳糕

重陽糕

社糕

蒸作從食

子母饅

春饅

大包子

荷葉餅

芙蓉餅

壽帶龜

子母龜

歡喜

撚尖

剪花

小蒸作

駱駝蹄

大學饅頭

羊肉饅頭

細餡

糖餡

豆沙餡

蜜辣餡

生餡

飯餡

酸餡

笋肉餡

莖葷餡

棗栗餡

薄皮

蟹黃

灌漿

臥爐

鵝項

棗餡

仙桃

乳餅

菜餅

秤錘蒸餅

睡蒸餅

千層

鷄頭籃兒

鵝彈

月餅

饊子

炙焦

肉油酥

燒餅

火棒

小蜜食

金花餅

市羅

蜜劑

餅餠

春餅

胡餅

韭餅

諸色餛飩

諸色包子

諸色角兒

諸色從食

諸色果食

諸色酒名

薔薇露

流香

並御庫

宣賜碧香

思春堂

三省激賞庫

鳳泉

殿司

玉練槌

祠祭

有美堂

中和堂

雪醅

真珠泉

皇都春

出賣

常酒

出賣

和酒

出賣並京醞

皇華堂

浙西倉

爰咨堂

浙東倉

瓊花露

揚州

六客堂

湖州

齊雲清露

雙瑞

並蘓州

愛山堂

得江

並東總

留都春

靜治堂

並江閩

十洲春

玉醅

並海關

海岳春

西總

籌思堂

江東漕

清若空

秀州

蓬萊春

越州

第一江山

北府兵厨

錦波春

浮玉春

並鎮江

秦淮春

銀光

並建康

清心堂

豐和春

蒙泉

並溫州

瀟灑泉

嚴州

金斗泉

常州

思政堂

龜峯

並衢州

錯認水

婺州

穀溪春

蘭溪

慶遠堂

秀邸

清白堂

楊州府

藍橋風月

吳府

紫金泉

楊郡王府

慶華堂

楊駢馬府

元勳堂

張府

眉壽堂

萬象皆春

並榮邸

濟美堂

勝茶

並謝府

點檢所酒息日課以數十萬計而諸司邸第及諸州供送之酒不與焉蓋人物浩繁飲之者衆故也

小經紀

他處所無有

班朝錄

供朝報

選官圖

諸色科名

開先牌

寫牌額

裁板尺

諸色指揮

織經帶

棋子棋盤

蒲捍骰子

交麻試藍

賣字本

掌記冊兒

諸般簿子

諸色經文

刀冊兒

紙畫兒

扇牌兒

印色盤

剪字

纏令

耍令

琴阮絃

開笛

靜笙

鞞鼓

口簧

位牌

諸般盆兒

屋頭掛屏

剪鍬花樣

簷前樂

見成皮鞮

提燈靛燈

頭鬚編掠

香櫞絡兒

香櫞坐子

柱杖

粘竿

風旛

釣鈞

釣竿

食罩

吊掛

拂子

蒲坐

椅褥

藥焙

烘藍

風袋

煙帚

糊刷

鞵植

桶鉢

搭羅兒

薑擦子

帽兒

鞵帶

脩皮鞵

穿校椅

穿呈恩

鞵結底

領抹

釵朶

牙梳

穿珠

洗翠

脩冠子

小梳兒

染梳兒

接補梳兒

香袋兒

面花兒

絹孩兒

符袋兒

畫眉七香丸

膠紙

穩步膏

手皺藥

涼藥

香藥

膏藥

髮朶兒

頭髮

磨鏡

弩兒

弩絃

彈弓

箭翎

射貼

壺籌

鵝鴿鈴

風箏

藥線

象棋

鞦韆子

斗葉

香爐灰

紕刷兒

篦子剔

剪截段尺

出洗衣服

簇頭消息

提茶瓶

鼓爐釘鉸

釘看窗

札慰斗

供香餅

使綿

打炭鑿

補鍋子

泥竈

整漏

箍桶

襍膊兒

竹貓兒

消息子

老鼠藥

蚊烟

開鴨兒

涼筒兒

紐扣子

接縲

脩扇子

錢索

麻索

紅索兒

蓆草

鷄籠

脩竹作

使法油

油紙

油單

氈坐子

脩砧頭

磨刀

磨剪子

搨槌

俗諺云杭州人一日吃三十丈木頭以三十萬家為率大約每十家日吃搨槌一分合而計之

則三十丈矣

棒槌

舂米

劈柴

淘井

貓窩

猶魚

賣猶魚

改猶犬

鷄食

魚食

蟲食

蟲蟻食

諸般蟲蟻

魚兒活

蛇蚪兒

促織兒

小螃蟹

金麻

馬蛭兒

唧螻

蟲蟻籠

促織盆

麻花子

荷葉

燈草

發爛

肥皂團

茶花子

買瓶掇

舊鋪襯

圪伯紙

竹釘

淘灰十

淘河

剔撥叉

黃牛糞灰

挑疥蟲

賣煙火

鏡影戲

若夫兒戲之物名牛者多尤不可悉數如相銀杏
猜糖吹叫兒打嬌
丁車輪盤兒每一事率數
十人各專藉以為衣
之地皆他處之所無也

諸色伎藝人

御前應制

姜梅山

特立觀
察使

周葵窻

端
臣

曹松山遠

陳藏一

郁

徐良

陳愛山

程奎

耿待聘

御前畫院

馬和之

蘓漢臣

李安中

陳善

林春

吳炳

夏圭

李迪

馬遠

馬璘

此載武林舊事豈特備叅訂資傳洽補史氏之遺
蓋有風人之義存焉溫陵留志淑書

